

مستطابق

محل مطبعه و اداره :

جغسال اوغلانده امنيت

صندوغى جوارنده

شنكول يقوشنده

۲۲ نومرو

اظطار :

مسلكمزه موافق آثار

جدید مع الممنونیه

قبول اولنور

درج ایدلهین آثار اعاده اولنماز

دیه ، فلسفه ، علوم ، حقوق ، ادبیات ، تاریخ ، سیاست ، و بالخاصه احوال و مشورہ اسلامیه در بحث ایدر و هفته ده بر نشر اولنور .

آبونه بدلی

صاحب و مؤسسلری :

درسعادتده نسخہ سی ۵۰ پاره در

ابوالعلا زین العابدین - ح . اشرف ادیب

تاریخ تأسیسی

۱۰ تموز ۳۲۴

قیرله دن مقوا بورو ایله کوندریلیرسه سنوی

۲۰ غروش فضله آلنیر

سنه لکی	التی آیلغی	غروش
مملک عثمانیه ایچون	۶۵	۳۵
روسیه	۶۵۰	۳۰۵
سائر ممالک اجنبیه	۱۷	۹

عدد : ۱۱۲

۲۳ شوال پنجشنبه ۱۵ تشرین اول ۳۲۶

بشنجی جلد

وقعه‌یه قارشی بتون بترنه اغماض عین ایده‌یه جکری آشکاردر .
بردها تکرار ایدیورم ، محترم قرداشلر مزك تك برفرد قالنجه‌یه
قدر وطن وحیثیت اوغورنده فدای جان ایده‌رك مفتخرانه شراب
شهادتی نوش ایلمه‌لری ، ذیلاننه دشمن آياغی التنده ازیلمه‌دن یوزبیک
دفعه مرجحدر . [آلقشلا] وبالجملة ایرانی قرداشلر مزك ده بواعقاده
بولندقلرندن امینم . فیلسوف شهرابوالطیب‌المتنبی : «ان المنیة عندالذل
قندید « بیوریورلر ، يك طوغریدر . [آلقشلا]

شمعی آرالرنده بدرجه اختلاف اولدینی ظن اولنان قبائل
مختلفه او آند متحدا حرکت ایده‌رك مدافعه وطن ایچون شتابان
اوله جقاری شك وشبه‌دن وارسته‌در .

حقیقی صورته انسانیت وعدالت پرور اولان دولتلرک - اکر
وارسه - الیوم‌القیام دوام وبقالری و بویله انسانیت و مدنیت پرده
ریاکارانه‌سی آلتنده طاقت بشریه‌ك تحمیل خارجنده اولان انواع
مظالمی زواللی وضعیف انسانلره تطبیق ایتمکه بولنان دول ظالمه‌ك
بر آن اول محو واضمحلال‌لری نمی ایده‌رك ختم کلام ایدرم [سورکلی آلقشلا]

سباح شریع عبدالرشید افندی حضرت تبریک نطقی

سامعین کرامک حساس تلرینه طوقونان عالم جان افندینک نطقی آلفیشلره
تشییع اولنورکن عبدالرشید افندی حضرتلری ، او سنه لردنبری عالم اسلامک
انتباه و تعالیسی ایچون مجاهده‌لرده بولونان ، بتون شرقی کزن ، حقیقه تدقیق
ایدن ، عموم مسلمانلری یکدیگرندن خبردار ایتکه چالیشان ، بو اغورده حیاتی بیل
فدادن چکنمیان محترم مسلمان مجاهدی موقع خطابه‌ده طلعت افزای مهابت اولنجه ،
هر طرفدن آلفیش طوفانی قوپدی . هان بتون سامعین کراجه آشنالی بولنان
وبلکه شیمدی‌یه قدر یوزلرجه ، بیکرجه خطبه‌لر ایراد ایدن بو ممارسه‌لی خطیب
کمال هیئتله سلام ویردکن صوکرا طاشقین ، جوال نظرلریله اطراف بر
سوزدی . سرت و هیجانی بر افاده ایله سوزه باشلادی :

بوکون ، دیدی ، اورته‌لده بر ایران مسئله‌سی دونیورکه بنم
فکرکجه بو بر حیات مسئله‌سی در . بوکون ایرانی قارداشلر مزك جانلرینه
تسلط ایدن یرتجی پنجه‌لی قارتالار هر ایکی طرفدن شرقی قوشا‌تمق
مانوره‌سنه ابتدار ایدیورلر . بونک ایچون بن بو مسئله‌یه یالکیز بر
ایران مسئله‌سی نظرله باقمیه‌جم . بلکه بو بتون حقیقتیه ، بتون
عریانلیقه بر شرق مسئله‌سی در .

بونک نتیجه‌سی بتون شرق عاننه تأثیر ایلمه‌جکدر . بو بر مقدمه -
الاستیلادرکه بتون اقوام شرقیه‌یی دوشوندیرسه یری واردر .

بوکون ، مدنیت و انسانیت نامنه دست تجاوزلری اوزاتمغه
تشبث ایدن بو آج دولتلر ، یارین ظلم وغدرلریله بتون شرقی حیوان
کی اسارت التنده ایکلتمک ، اولدورمک ، محو ایتک ایچون قد
منهاده مصیبت اولیورلر . بونلرک سیاست ظالمانه‌سنی بتون جهان
بیلیر . باشقه‌لرینک ملککنده جزئی بر مسئله واقع اولونجه دایما
انسانیت نامنه اورته‌لغه آتیلیرلر ، اما کندی ملککنده کی مظالمی
کورمزلر . [شدنی آلقشلا]

چوق دکل ، ده‌ها کچن سنه‌لر روسیه‌ده ، پایتختده ، نفس

آیه قدر جنوبی ایرانده سکون و آسایش تمامیه تقریر اولمادینی تقدیرده
بالذات مداخله ایده‌رك مختل اولدینی فرض اولنان آسایشی تأمین
ایتمک ایسته‌دیکنی بیان ایتسی ، ده‌ها طوغریسی بویله بروجه ظاهری
کوسترمک من‌القدیم اضمار ایتدیکی منویاتی تطبیقه قالقشمسی ، دکل
یالکیز اسلاملری ، بلکه بالجملة حس انسانیدن بهره‌دار اولان هر فرد
بشری صوک درجه متأثر و منفعل ایتدیکی هرکسک معلومیدر .

بز روسیه‌لی اسلام کنجاری ایسه . بتون ایرانی قرداشلر مزه
انسانیت و اسلامیت کی ایکی بیوک رابطه قویه ایله مربوط ، حتی
یکوجود دنیله جک درجه‌ده متحد اولدیغمدن طبیعیدرکه بوفلاکت
آمین خبردنک زیاده متأثر اولانلر جمله‌سندز . [آلقشلا]

بو تأثر او درجه‌یی بولمشدرکه بوکون انکلتزه حکومتک
بو حرکتی ، ده‌ها طوغریسی انکلتزه و روسیه حکومتلرینک برلشدرک
بیکرجه سنه‌لردن بری پایدار ، يك بیوک وشانلی ماضیه مالک اولان
قوجانان ایرانی ایکی‌یه تقسیم ایدوب التقام ایتک ایسته‌دیکلری بتون
موجودیتلره رد ایتدیکمزی کیزله میهمقدرد اوله میهرق اظهار ایدیورز .

اوت ، انسانیت خدمت نامی آلتنده اجرا اولنمق ایسته‌نیلن بو
مظالم و بو تخریباتدن بتون روحله نفرت و مسیبلرینه‌ده لغت ایدرز .
نصل ایتیمکه ایرانک جنوبنده بش آلتی انکلیزک منافع اقتضا -
دیله‌لی سسکته‌دار اولدینی بهانه اتخاذا اولنهرق میلیونلرجه اهالی
اسلامیه‌ك آلیق آلمده چین-نوب تحت اسارته آلفاسی روسلره
حریت ، انسانیت و اخوت نامنی طاشیان انکلیزلر طرفدن آرزو
اولیور . هانکی بر قاعده حقوقیه وارکه بو حرکتی تجویز ایتسون ؟
هانکی بر اسلام نامنی طاشیمیه لایق فرد وارکه بو تشبثی تصویب
ایلسون ؟

بوکون ایران حکومتی چته‌لر تشکیل ایدوب واونلر ده‌میلیونلرجه
تخصیصات و یروب انکلتزه و روسیه داخلمه طاغتمیورکه بویله بر حرکت
مستحق اولسون . کندی مملکتک اصلاحیه کندی اوغراشیور .
ایرانلیرک حریت قزاندقلری آنجق اوچ سنه‌در . بویله بر حریتی
قزاتمق ایچون فرانسه مات کی صاحب عرفان بر ملت تام بر عصر
اوغراشدینی حالده بالنسبه جاهل اولان ایران قومک اوچ سنه
ظرفنده حریت وعدالتی مملکتلرینک بالجملة نقاطنده تأسیس و تطبیق
ایتمکلی و ایده‌مدکلی وسیله اتخاذا ایدیلرک بشقه‌لری طرفدن
ضبط و استیلا ایدلک کی بر حرکتی ، طوغریسی وجدان انسانیت
تجویز ایتمز .

شوراسی جای تسلیدرکه بوندن ۲۷ سنه اولکی انکلتزه‌ك مصر
حرکتی بتون عنعناتی ایله میدانده بولندیشدن ایرانی قرداشلر مز
بو حرکتی قارشی هر درلو تدابیره توسلدن صکره ایجاب ایدرسه صوک
طامانه قانلری آتمق صورتیه مقابله‌ده بوانورلر امیدنده یز ویکانه
چاره‌ده بودر . بوندن ماعدا بو حرکت ظالمانه‌یه قارشی تکمیل عالم اسلامک
لاقید قالمه‌سی امکان خارجنده اولدینی کی ، دیکردول معظمه‌ك ده بو

پترسبورغه ، اوروپانك تام اورته سنده اون بيك آدم ايمپراطور سراينده انكليزيسيون مظالمى ايجنده اولدوريلوردى . انكلتره سفارتنك پنجرهسى آلتنده انسان ، بنى بشر قانلى آقيوردى ده.. انسانيت نامنه سس چيقاران كورلمدى . لكن شرقده بر آدمك بورنى قانارسه ، انسانيت نامنه ، قارتال سوروسى كې قوشارلر . [شدتلى آلفيشلر . هر كس حقيقتى آكلادىغنى ائما ايدييور !] انكلتره مستملكتانده بيجاره تبعه نصل يشايور ، بيليرميسكز ؟ آه ، ايشتمه ييكز ، حياتدن نفرت ايدرسكز . حيوانلر بيله همجنسونه معاونت ايدر ؛ فقط غدار انسانلر حيوان قدر هم نوعه اهميت ويرمزلر . آه ، او هندستانك پريشان عائلهلرى ! سفيلى ، مظلوم اولادلرى ! يردن ، يورددن محروم قالمشلر ! .. سوراق كوشه لرنده ايكليه رك ، تتره يرك اكمال مصائب ايلورلر . سوراقلرده سورونور ، طاشلر اوزرنده يمك يير ؛ اورتوسى يوق ، بر حصيردن بيله محروم . يالكز مسلمان دكل ، محوسى ده بويله .

بوكون انكليز ظلمنى آكلايه بيلمك ايجون هندستان سوراقلرينى كزيمك لازم در . هر طرفده قانبورلر ، اعمالر ، ديلنجيلر .. بى نهايه ! انكليزك تسلطندن اول هندستان بويله دكلش . او ناشر مدنيت (!) كلدكن صوكرا بو حاله كلكش . بيجاره رك قانلرينى ايجمش ، جانلرينى ياقش ، نسللرينى قوروتمش ، نهايت بويله عليل ، مريض بر عنصر حالته كتيرمش . وبويله دوام ايدرسه ، دهها بر عصره وارماز ، هندستان خاكي محو اولمش ديمكدر .

بوكون هندستان اهالىسى قان آغلايور . مسلمان ، محوسى ... هپسى ، هيچ بر فرد يوق كه انكليزلردن فرياد ايتسون . كندى مستملكه لرنده مدنيتى ، انسانيتى دوشونمورلرده باشقه مملكتلره نشره تشبث ايديورلر . نه قدر كوانج حركت !..

لكن هيچ بر شيدده ابديت يوق . بتون سلطنت بشريه زواله محكوم در . حاكم مطلق الله در . بوكون ميليونلرجه انسانلرى تحت ظلمنده ازن حكومتلك يارنى بللى دكلدر ، آتيسى قاراكلقدنر . بن بوكون شرقده ، شرق عالمنده باشقه بر حيات كورييورم . هر كس موقعتك ذلتى آكلامغا ، كنديسى دوشونمكه باشلامشدر . بو بر انتباهدر . بوكون بنم وطنم سبريادر ، بتون سبرياده ياريم ميليون مسلمان يوقدر . فقط بويله اولمقله برابر بوكون كوزلرينى آچشلر ، نه ياپوب ياپوبده بو حيات عالمنه چيقمغه ، اوزلرلردن بو آغير استبداد يوكنى آتمعه چيالا مقده درلر . درتيوز سنه دنبرى روسلك تحت اساء رتنده ازيلمش ايكن بوكون حيات آرايورلر .

بويله بر قومك شرقده حيات آرادىغنى زمان اون ايكي ميليون ايران ملت معظمهسى كندى حياتلرينى درشونمسونلر ، ممكن دكلدر . بوكون هر ايرانينك وظيفهسى ، روحى ، حياتى ، مالى ، منالى ... هر شيشى فدا ايتكدر . [شدتلى آلفيشلر .] بر ايرانى ذره قدر بو خصوصده ملاحظه ايدرسه او ، ايرانى دكلدر [ينه آلفيشلر] هيچ شبهه ايتمكه ، بو تجاوز غاصبانده ، يالكز ايران دكل ، بلكه

بتون شرق عالمى منفعل اوله جقدر . زيرا شرقك ائ اسكى بر ديركى ييقيلور ، ديمكدر .

بز نه كې بر حركتنده بولنورسهك ، دائما - چوجقلى چهارشنبه آناسندن قورقوتدقلى كې - بزدى ده اتحاد اسلام ياپورسكز ، ديه قورقوتتى ايسته يورلر . براز مسلمانلر اثر انتباه كوسترر كوسترمنر : - آ ، يكرمنجى عصرده بويله شيلر ياقيشماز ...

ديرلر . بعضارى ده « ياقيشماز » دىندى يا ، حقيقتاً ياقيشماز ظن ايدرلر . [تبسملر] حالبوكه قرقنجى عصرده اولسه ينه اونلر بو وحشتلرندن واز كچميه جكلدر ، [آلفيشلر]

بن قطعياً امينم كه انكليزلر روسله اتفاق ايدرلر .. هر نه قدر آبي ايله فيل كچينه مزسده ، شكارى تقسيم خصوصنده اريوشملرى ممكن در . فقط اصل هنر قويون اولوبده كندى يديرمه مكدر . بومذلت بوكونكى شرقه ياقيشماز . ايرانلر كندىلرينى يديرمه مكه چاليشملى ...

شدتلى آلفيشلرله بونطق دى تشيع اولوندى . بونى متعاقب قفقاسيه مجاهدلرندن اولوب پارسده اكمال تحصيل ايدن ولوندره ايله برابر همان بتون اوروپايى دولاشان آنلك افكارينه ، اقف اولان ، وشرق مسئلهسى خصوصنده پك چوق تبعات اجرا ايلن محربين كرامزدن احمد بك آقايف حضرتلرى ، قارابك طرفندن تقديم اولنهرق آلفيشلرله موقع خطابتى تشريف ايتديلر .

احمد بك آقايف انتمينك لطفى

افنديلر ،

بنده كز ايرانك تاريخنه دائر بر چوق تبعاتده بولونديغ ايجون بوبابده برقاج سوز سويلمك ايستردم . فقط رفقاي كرام بوبابده خبلى معلومات ويرديلر . مع ذلك سوز به باشلامدن اول برقاج جمله ايله خلاصه ايتكى اصل موضوع بحثنر ايجون موافق كورييورم .

افنديلر ،

هيكز بيلورسكز كه جهان سياست برطاقم اركان دوليه اوزرينه مؤسس اوله كلكش در . بوركنلرك ، بوملتلك موجوديتلرى در كه روح عمومى سياستى تشكيل ايدر . بو خصوصده ديكر اقوام صغيره نك اهميتى درجه ثانيه وثالنده قالير ، اونلر هپ بوروح كلدن فيض آلهرق ادامه حيات ايدرلر . مثلاً ثابت اولمش بر حقيقتدر كه غربييلر بوكون اوكلك مهم اركانى تشكيل ايدرلر . آسيادهده بويله مهم ركنلر اوله كلكشدر . او اقوام مهمه آراسنده بريسي ده ايرانيادر .

ايران تاريخى ماضينك الشقاراكلك ، خيالك الكاوازاك بر زمانلرينه قدر اوزانير .

مورخلر ايران ايجون موجود اولمديغى بر زمان كوسترزه مشلدر .

ايران انسانيت ناميله برابر طوغمشدر . [آلفيشلر]

متعاقباً ايران تاريخى حقنده بر خلاصه يابلدقن صوكرا بيورديلر كه : عبدالرشيد افندى برادرمنر بر چوق حقيقتلر سويلديلر . فى الحقيقه اوروپايلر كليورلر ، ازييورلر ، صوكرا ده انسانيت نامنه كلكد ديسيورلر . بن آروپاده پك چوق بولوندم . بركون بر محرره ايله قونوشوركن بكا ديدى كه :